



Ho balla hodimo ha o balla ngwana hao

Mabaka a 5 a matle a ho balla hodimo

1. Ho balla hodimo ha o balla bana ba hao ho thusa ho bopa kutlwano pakeng tsa motswadi le ngwana.
2. Ha o balla hodimo baneng mme ba natefelwa ke pale, ba bona ho bala e le ketso e kgotsofatsang mme hona ho thusa ho ba kgothalletsa ho ipalla ka bobona.
3. Ho balla hodimo o balla bana ba banyane ho ba bontsha hore ho balwa jwang le hore dibuka di sebetsa jwang. Tsebo ena e ba nolofalletsa ho ithuta ho bala hamorao.
4. Bana ba kgona ho utlwisisa le ho natefelwa ke dipale tse ka nqane ho bokgoni ba bona ba ho bala ha ba di utlwa di ballwa hodimo.
5. Ho utlwa mantswe a matjha a sebedisitsweng paleng ho bopa tlotlontswe ya bana mme ho ba fa puo e nonneng eo ba ka inolang ho yona ha ba ingolla dipale tsa bona.

Dikeletso tse 5 tse ka sehloohong tsa Nal'ibali tsa ho balla hodimo

1. Kgetha dibuka tsa ho bala tse o natefelang, empa hape e be tse tsamaelanang le ditabatabelo tse fetohang tsa bana ba hao.
2. Ho balla hodimo kamehla ke mosebetsi! Etsa diphetoho tse ngata lentsweng la hao ho bopa maikutlo a pale!
3. Qala ka ho bala lebitso la mongodi (le raditshwantsho) e le hore bana ba eellwe hore dibuka di bopjwa ke batho ba tshwanang le bona!
4. Ha o bala buka ya ditshwantsho, efa bana nako ya ho sheba ditshwantsho le ho tshwaela ka tsona, haeba ba batla jwalo.
5. Dibuka tse nang le raeme, morethetho le phetapheto ke dibuka tse balehang ha monate hodimo bakeng sa bana ba banyane mme di ka o thusa ho hlahisa puo e ntjha. Ha ba ntse ba tlwaela pale, ba kgothalletse hore le bona ba bale ha o ntse o bala.

Ho utulla bokgoni ba bana ka ho pheta dipale le ho bala

www.nalibali.org

 @nalibaliSA  nalibaliSA  info@nalibali.org

